



重刻黃文節山谷先生文集卷第五

正集

宋太史分寧黃庭堅魯直著

明後學莆中方沆子及校

七言古

里人周希令子儀編

送少章從翰林蘇公餘杭

東南淮海惟揚州國士無雙秦少游欲攀天關守九
虎但有筆力迴萬牛文學縱橫乃如此故應當家有
季子時來誰能力作難鴻鴈行飛入道山斑衣兒啼
真自樂從師學道也不惡但一作使新年勝故年即
如常在郎罷前

便糴王丞送碧香酒用子瞻韻戲贈鄭彥能

食貧好飲甞自嘲日給上尊無國相大農部丞送新
 酒瑤香竊比主家釀應憐坐客竟無羶更遭官長頗
 譏謗銀杯同色試一傾排遣春寒出幃帳浮蛆翁翁
 盃底滑坐想康成論泛盎重門著關不為君但備惡
 客來仇餉送新一作肯送

戲和荅禽語

南村北村雨一犁新婦餉姑翁哺兒田中啼鳥自四
 時催人脫袴著新衣著新替舊亦不惡去年租重無
 袴著

和游景叔月報三捷師雄

漢家飛將用廟謀復我匹夫匹婦離真成折箠禽胡

月不是黃榆牧馬秋幄中已斷匈奴臂軍前可飲月
 以頭願見呼韓朝海上諸將不用萬戶侯

謝景叔惠冬筍雍酥水梨三物

玉人憐我長蔬食走送厨珍不自甞秦牛肥膩酥勝
 雪漢苑甘寒梨得霜冰底斲春生筍束豹文解籜饌
 寒玉見他桃李憶故園曉獠應殘逸窻竹

再荅景叔

女三為粲當獻王三珍同盤乃得甞甘泉下統藜莧
 腸令我詩句挾風霜小人食珍敢取足都城一飯炊
 白玉賜錢千萬民猶飢雷後排簷凍銀竹

出城送客過故人東平侯趙景珍墓令墳

朱顏苦一作欲留不肯住白髮政爾欺得人嬋娟去作
誰家妾意氣都成一聚塵今日牛羊上丘壟當時近
前左右嗔花開鳥啼荆棘裏誰與平章作好春

題小猿叫驛知命

大猿叫罷小猿啼箐裏行人白晝迷惡藤牽頭石齧
足嫗牽兒隨淚錄續我亦下行莫啼哭

筇竹

道人手插兩三竹使君忽來唾珠玉不須客賦千首
詩若是賞音一夔足世人同處但同流一絲不掛似
太俗客來問我有何好道人優波遠山綠石本問我
作莫問優

波作
後晏

次韻李任道晚飲鎖江亭

西來雪浪如魚烹兩崖且簪乃可橫忽思鍾陵江十
里白蘋風起穀紋生酒杯未覺浮蟻滑茶鼎已作蒼
蠅鳴歸時共須落日盡亦嫌持蓋僕屢更

送長卿太學秋補

長卿家亦但四壁文君窺之介如石甯中已無少年
事骨氣乃有老松格漢文新覽天下圖詔山採玉淵
獻珠再三可陳治安策第一莫上登封書

次韻黃斌老所畫橫竹

酒澆胷次不能平吐出蒼竹歲崢嶸卧龍偃蹇雷不
驚公與此君俱忘形晴窻影落石泓處松煤淺染飽

霜兔中安三石使屈蟠亦恐形全便飛去

戲詠子舟畫兩竹兩鸚鵡

風晴日暖搖雙竹竹間相語兩鸚鵡鸚鵡之肉不可
看人生不材果為福子舟之筆利如錐千變萬化皆
天機未知筆下鸚鵡語何似夢中胡蝶飛

從斌老乞苦筍

南園苦筍味勝肉籜龍稱寃莫採錄煩君更致蒼玉
東明日風雨皆成竹更致一

題榮州祖元大師此君軒

王師學琴三十年響如消夜落澗泉滿堂洗盡箏琶
耳請師停手恐斷絃神入傳書道人命死生貴賤如

看鏡晚知直語觸憎嫌深藏幽卉聽鍾磬有酒如澠

客滿門不可一日無此君當時手裁數寸碧聲挾風

雨今連雲以君傾蓋如故舊骨相奇怪清且秀程嬰

杵臼立孤難伯夷叔齊采薇瘦霜鍾堂上弄秋月微

風入絃此君說公家周房筆如椽此君語意當能傳

青神縣尉廳葺城頭舊屋作借景亭下瞰史

家園求竹終日寂然了無人迹又當大本

綠陰之間戲作長句奉呈信攜明府介卿

少府

青神縣中得兩張愛民財物唯恐傷二公身安民乃

樂新葺城頭六月涼竹鋪不浣吳綾機東西開軒陰

清樾當官借景未傷民恪似鑿池取明月

戲贈家安國

家侯口吃善著書常願執戈王前驅朱紱蹉跎晚監
郡吟弄風月思天衢二蘇平生親且舊少年筆硯老
枯酒但使一公轉鴻鈞此老矍鑠還冠軍

題石恪畫嘗醋翁

石媪忍酸喙三尺石罇嘗味面百摺誰知聳膊寒至
骨圖畫不減吳生筆

題子瞻畫竹石

風枝雨葉瘠土竹龍蹲虎踞蒼蘇石東坡老人翰林
公醉時吐出胸中墨

題晁以道雪鴈圖

飛雪灑蘆如銀箭前鴈驚飛後回盼憑誰說與謝玄
暉休道澄江靜如練

和王觀復洪駒父謁陳無已長句

陳君今古馬不學清渭無心映涇濁漢官舊儀重九
鼎集賢學士見一角王侯文采似於菟洪甥人間汗
血駒相將問道城南隅無屋止借船官居有書萬卷
統一作四壁蘇蘇不爨談至夕主人自是文章伯鄰里
頗恠有此客食貧各仕天一方佳人可思不可忘河
從天來砥柱立愛莫助之涕淋浪仕一作在

王充道送水仙花五十枝欣然會心為之作

詠

凌波仙子生塵襪水上輕盈步微月是誰招此斷腸
魂種作寒花寄愁絕含香體素欲傾城山礬是弟梅
是兄坐對真成被花惱出門一笑大江橫

題蓮華寺

狂卒猝起金坑西脅從數百馬百蹄所過州縣不敢
誰肩輿虜載三十妻件生有膽無智略謂河可馮虎
可搏身膏白刃浮屠前此鄉父老至今憐

送客老住五峯

我穿高安過萍鄉七十二渡遶羊腸水邊林下逢衲
子南北東西古道場五峯秀出雲雨上中有寶坊如

側掌去與青山作主人不負法昌老禪將栽松種竹
是家風莫嫌斗絕無來往但得螺師吞大象從來美

酒無深巷

一本羊腸下有兩句云去時擲
茗奉正香歸來秧稻夏日長

瓊芝軒

卓僊在時養瓊芝深根固蒂活人命憧憧來問此何

草但告渠是唐婆鏡

子瞻詩所記胡道士王芝一名
瓊田草者俗號其葉為唐婆鏡

葉底開花故號蓋天花以予考之其實本草之鬼曰
也歲生一曰如黃精而堅瘦滿十二歲可為藥就土
中生根取一曰勿令大本可知也煮麵如鱗脆皮畏一
曰吞之數日不飢啗三曰可辟穀也黃龍山老僧多
採而斷食令人體臞而神王今方家所用鬼曰乃鬼
燈檠耳如蜀人用鬼箭但用一草根不知何物也鎮
陽趙州間道傍叢生三羽者真鬼箭俗醫用藥如此
而責古方不治病可勝嘆哉因論王芝故并記之以
遺胡道士道士胡君洞微卓君理之弟子卓君之時
欲崇飾宮觀而俗緣薄規模甚遠而不成就及胡君

而宮殿崇成便齋曲房松竹蒼蔚觀其軒窗開塞宜冬而愜夏智慮通物者也又好文多藝能治賓客具至者忘歸此東坡先生所以每至而留連者歟

龜殼軒

紫極宮中三百楹道人獨藏一神屋開軒納息星月明時有白雲來伴宿

秋聲軒

誰居空閑扇素籥情與無情並時作是聲皆自根極來更莫辛勤問南郭

武昌松風閣

依山築閣見平川夜闌箕斗插屋椽我來名之意適然老松魁梧數百年斧斤所赦今參天風鳴媧皇五

十絃洗耳不湏菩薩泉嘉二三子甚好賢力貧買酒醉此筵夜雨鳴廊到曉懸相看不歸卧僧氈泉枯石燥復潺湲山川光輝為我妍野僧早飢不能饅曉見寒谿谿有炊煙東坡道人已沉泉張侯何時到眼前釣臺驚濤可晝眠怡亭看篆蛟龍纏安得此身脫拘攣舟載諸友長周旋

次韻文潛

武昌赤壁弔周郎寒溪西山尋漫浪忽聞天上故人來呼船凌江不待餉我瞻高明少吐氣君亦歡喜失微恙年來鬼祟覆三豪詞林根柢頗搖蕩天生大材竟何用只與千古拜閣像張侯文章殊不病歷險心

瞻元自壯汀洲鴻鴈未安集風雪牖戶當塞向有人
出手辦茲事政可隱几窮諸妄經行東坡眠食地拂
拭寶墨生楚愴水清石見君所知此是吾家秘密藏

閣像一
作遺像

庭堅以去歲九月至鄂登南樓歎其制作之

美成長句又欲寄遠因循至今書呈公悅

江東湖北行畫圖鄂州南樓天下無高明廣深勢抱

合表裏江山來畫閣雪筵披襟復篔簹寒曾吞雲夢何

足言庾公風流冷似鐵誰其繼之方公悅

閣一
作閣

次韻元實病目

道人嘗恨未灰心儒士苦愛讀書眼要須玄覽照境

空莫作白魚鑽蠹簡閱人朦朧似有味看字昏澁尤

宜懶范侯年少百夫雄言行一一無可東看君眸子

當瞭然乃稱胷次常坦坦如何有物食明月淚睫隕

珠衣袖滿金篦刮膜會有時湯熨取快術誠短君不

見岳項懶瓚一生禪鼻涕垂頤渠不管

花光仲仁出秦蘇詩卷思兩國士不可復見

開卷絕嘆因花光為我作梅數枝及畫煙

外遠山追少游韻記卷末

夢蝶真人貌黃稿籬落逢花須醉倒雅聞花光能畫

梅更乞一枝洗煩惱扶持愛梅說道理自許牛頭叅

已早長眠橘洲風雨寒今日梅開向誰好何況東坡

成古立不復龍蛇看揮掃我向湖南更嶺南繫船來
近花光老歎息斯人不可見喜我未學霜前草寫盡
南枝與北枝更作千峯倚晴昊

書磨崖碑後

春風吹船著音所湓溪扶藜上讀中興碑平生半世看
墨本摩莎石刻鬢成絲明皇不作包桑計顛倒四海
由祿兒九廟不守乘輿西萬官已作烏擇栖撫軍監
國太子事何乃趣取大物為事有至難天幸爾上皇
跼踏還京師內間張后色可否外間李父頤指揮南
內淒涼幾苟活高將軍去事尤危臣結春陵二三策
臣甫杜鵑再拜詩安知忠臣痛至骨世上但賞瓊琚

詞同來野僧六七輩亦有文士相追隨斷崖蒼蘚對
立又凍雨為洗前朝悲

太平寺慈民閣晚與曾
袞同登

青玻璃盆插千岑湘江水清無古今何處拭目窮表
裏太平飛閣暫登臨朝陽不聞阜蓋下愚溪但有古
木陰誰與洗滌懷古恨坐有佳客非孤斟

題淡山巖二首

去城二十五里近天與隔盡俗子塵春蛙秋蠅不到
耳夏涼冬暖揔宜人巖中清磬僧定起洞口綠樹仙
家春惜哉次山世未顯不得雄文鏡翠珉

其二

淡山淡姓人安在徵君避秦亦不歸石門竹徑幾時
有瓊臺瑤室至今疑回中明潔坐十客亦可呼樂醉
舞衣閬州城南果何似永州淡巖天下稀

明遠庵

遠公引得陶潛住美酒沽來飲無數我欲醉眠卿且
去只有空瓶同此趣誰知明遠似遠公亦欲我行庵
上路多方挈取甕頭春大白梨花十分注與君深入
逍遙游了無一物當情素道卿道卿歸去未明遠主
人今進步道卿涪溪僧

戲答歐陽誠發奉議謝余送茶歌

歐陽子出陽山山奇水怪有異氣生此突兀熊豹顏

飲如江入洞庭野詩成十手不供寫老來抱璞向涪
翁東坡元是知音者蒼龍壁官焙香涪翁投贈非世
味自許詩情合得嘗却思翰林來餽光祿酒兩家水
鑿共寒光子乃安敢比東坡有如玉繁金叵羅直相
千萬不啻過愛公好詩又能多老夫何有更橫戈柰
此于思石戰何

和范信中寓居崇寧遇雨二首寥

范侯來尋八桂路走避俗人如脫兔衣囊夜雨寄禪
家行潦升階漂兩屐遣悶悶不離眼前避愁愁已知
八處慶公憂民苗未立旻公憂木水推去兩禪有意
同壽域歲晚築室當石堵它時無屋可藏身且作五

山谷正集 卷之五
聖公超霧

其二

當年游俠成都路黃犬蒼鷹伐狐兔二十始肯為儒
生行尋丈人奉巾履干江渺然萬山阻抱衣一囊遍
處處或持劍掛宰上回亦有酒罷壺中去昨來禪榻
寄曲肱上雨傍風破環堵何時鯤化北溟波好在豹
隱南山霧

次韻荅曾子方雜言輔

憂鵬入歸來杞國痛天摧玉堂却對鄧公直北門
噉仗聽風雷山川悠遠莫浪許富貴崢嶸今鼎來萬壑
松聲如在耳意不及此文生哀

再荅元輿

君不能入身帝城結子公又不能擊強有如諸葛豐
法當憔悴百寮底五十天涯一秃翁問君何自今為
郎便殿作賦聲摩空偶然樽酒相勞苦牛鐸調與黃
鍾同安得朱轡各憑熊江南樓閣白蘋風勸歸啼鳥
曉窻籠男兒邂逅功補袞烏倦歸巢葉歸本

送王郎

酌君以蒲城桑落之酒泛君以湘纍秋菊之英贈君
以黔川點漆之墨送君以陽關墮淚之聲酒澆胸中
之磊隗菊制短世之頽齡墨以傳千古文章之印歌
以寫一家兄弟之情江山萬里頭俱白骨肉十年眼

山谷正集 卷之五
終青連牀夜語鷄戒曉書囊無底談未了有功翰墨
乃如此何恨遠別音書少炊沙作糜終不飽鑊冰文
章費工巧要須心地收汗馬孔孟行世日杲杲有弟
有弟力持家婦能養姑供珍鮭兒大詩書女絲一作桑
麻公但讀書煮春茶

戲書秦少游壁觀

丁令威化作遼東白鶴歸朱顏未改故人非微服過
宋風退飛宋父擁篲待來歸誰饋伯牢鸚鵡妃秦氏
烏生八九子雅烏之兄畢逋尾憶炊門牡烹伏雌木
肯增巢令汝棲莫愁野雉踈家雞但願主人印纍纍
重刻黃文節山谷先生文集卷第五

重刻黃文節山谷先生文集卷第六

正集

宋太史分寧黃庭堅魯直著

明後學蒲中方 沆子及校

五言律

里人周希令子儀編

次韻劉景文登鄴王臺見思五首

季孫

黃濁歸大壑漣漪遶重城西風一橫笛金氣與高明
歸鴉度晚景落鴈帶邊聲平生知音處別離空復情
其二

舊時劉子政憔悴鄴王城把筆已頭白見書猶眼明
平原秋樹色沙麓暮鐘聲歸鴈南飛盡無因寄此情
其三

繫艷兩相憶極目十餘城積潦干斗極山河皆夜明
白壁按劍起朱弦流水聲垂逢四時爾木石了無情

其四

茗花浮曾坑酒泛酌宜城路尋西九曲人似漢三明
千戶非無相五言空有聲何時郭池晚照影寫閑情

其五

公詩如美色未嫁已傾城嫁作蕩子嬾寒機泣到明
綠琴蛛網遍絃絕不成聲想見鷓鴣子江湖萬里情

楊明叔惠詩格律詞意皆薰沐去其舊習予
為之喜而不寐文章者道之器也言者行
之枝葉也故次韻作四詩報之耕禮義之

田而深其耒明叔言行有法當官又敏於
事而邨民故予期之以遠者大者

魚去游濠上鴟來止坐隅吉凶終我在憂樂與生俱
決定不是物方名大丈夫今觀由也果老子欲棄桴
終在我一
作唯我在

其二

道常無一物學要反三隅喜與嗔同本嗔時喜自俱
心隨物作宰人為我非夫利用兼精義還成到岸桴
為我一
作謂我

其三

全德備萬物大方無四隅身隨腐草化名與太山俱

道學歸吾子言詩起老夫無為蹈東海留作濟川桴
其四

匹士能光國三孱不滿隅竊觀今日事君與古人俱
氣類罵求友精誠石望夫雷門震驚手待汝一援桴
庭堅老懶衰墮多年不作詩已忘其體律因
明叔有意於斯文試舉一綱而張萬目蓋
以俗為雅以故為新百戰百勝如孫吳之
兵棘端可以破鏃如其蠅飛衛之射此詩
人之奇也明叔當自得之公眉人鄉先生
之妙語震耀一世我昔從公得之為多故
今以此事相付

窮奇投有北鴻鵠止丘隅我已魑魅禦君方燕雀俱
道應無芥蒂學要盡工夫莫斬獾狙杙明堂待棟桴

跋子瞻和陶詩

子瞻謫嶺南時宰欲殺之飽喫惠州飯細和淵明詩
彭澤千載人東坡百世士出處雖不同風味乃相似

東觀讀未見書

已下擬省
題四首

漢規群王府東觀近宸居詔許無雙士來觀未見書
皇文開萬卷家學陋三餘竹帛森延閣星辰繞直廬
諸生起孤賤天子自吹噓願以多聞力論思補帝裾

歲寒知松栢

群陰彫品物松栢尚栢栢老去惟心在相依到歲寒

霜嚴御史府兩立大夫官儀象溝中斷微絃變下殘
光陰一鳥過斬一作伐萬牛難春日輝桃李蒼顏亦預

被褐懷珠玉

國士懷珠玉通津不易扛積藏心有待褐短義難降
寶唾歸青簡晴虹貫夜窓直言方按劍豈是故迷邦
彈雀輕千仞連城買一雙安知藍縷底明月弄寒江
款寒來亨

前朝夏州守來款塞門西聖主敷文德降書付狄鞮
擅裘瞻日月勢面帶金犀殿陛閑干羽邊亭息鼓鼙
永輸量谷馬不作觸藩抵聲勢常相倚今聞定五溪

送舅氏野夫之宣城二首

李莘

籍甚宣城郡風流數貢毛霜林收鴨脚春網薦琴高
共理須良守今年輟省曹平生割鷄手聊試發硎刀

其二

試說宣城郡停盃且細聽晚樓明宛水春騎簇昭亭
耙稭豐圩戶桁楊卧訟庭謝公歌舞處時對換鵝經

謝王炳之惠石香鼎

薰鑪宜小寢鼎製琢晴嵐香潤雲生礎煙明虹貫巖
法從空處起人向鼻頭忝一炷聽秋雨何時許對談
次韻崔伯易席上所賦因以贈行二首

迎新與送故渠已不勝勤民賣腰間劍公寬柱後文
諸郎投賜沐高會惜臨分去國雖千里分憂即近君

其二

老惜交情別追隨車馬勤臨朝思共埋治郡復斯文
訟息常一作當休吏民貧更勸分西湖十頃月自此漢
封君

見諸人唱和醑醪詩輒次韻戲詠

梅殘紅藥遲此物共春歸名字因壺酒風流付枕帟
墜鈿香徑草飄雪淨垣衣玉氣晴虹發沉材鋸屑霏
直知多不厭何忍摘令稀常恨金沙學顰時正可揮
次韻秦少章晁適道贈荅詩

二子論文地陰風雪塞廬寧穿東郭履不奉子公書
士固難推挽時聞有詔除負暄真得計獻御恐成踈

清人怨戲效徐庾慢體三首

秋水無言度荷花稱意紅主人敬愛客催喚出房籠
一斛明珠曲何時落塞鴻試煩春筍手聊為剥蓮蓬

一作撥
萍蓬

其二

障羞羅袂薄承汗領巾紅晚風斜蠹髮逸艷照窻籠
胡琴抱明月寶瑟陣歸鴻倚壁生珠網年光如轉蓬

其三

翡翠釵梁碧石榴裙摺紅隙光斜斗帳香字冷薰籠
聞道西飛燕將隨北固鴻鴛鴦會獨宿風雨打船蓬
萬州之下巖唐末有劉道者定州無極人聞

道於雲居膺禪師為開巖第一祖法號道
 微自鑿石龕曰死便藏龕中不用日時門
 人奉其命二百年來遊者題詩不可勝讀
 莫能起此開巖者故予作二篇表見之其
 一用楊子安韻其一用王定國韻

用楊子
安韻一
篇在七
言絕

寺古松楠老崑虛塔廟開僧綠蠶麥去官數荔支來
 石室無心骨金鋪稱意苔若為劉道者拽得鼻頭迴

次韻聞善

扶醉三竿日題詩一研埃張羅門帶雪投轄井生苔
 待得成立壠誰能把酒盃常應黃菊畔帳望白衣來

次韻荅高子勉十首

雪盡虛簷滴春從細草迴德人泉下夢俗物眼中埃
 久立我有待長吟君不來重玄鎮關鑰要待玉匙開

其二

掃雪我三日御風君過旬言詩今有數下筆不無神
 行布佳期近飛揚子建親可憐金石友去不待斯人

其三

峴南羈旅井灞上獵歸亭日繞分魚市風回落鴈汀
 筆由詩客把笛為故人聽但恐蘇耽鶴歸時或姓丁

其四

君不居即省還應上諫坡才高殊未識歲晚喜無它

櫪馬羸難出鄰雞凍不歌寒爐餘幾火灰裏撥陰何
其五

荆渚樓中賦南陽壠底吟誰年小隱處頗屈故人臨
經笥難窺底詞源幸汲深思君眠竹屋雪月冰寒衾
其六

驚人得佳句或以傲王公處世要清節滑稽安足雄
深沉似康樂簡遠到安豐一點無俗氣相期林下同
其七

志士難推轂將如高子何心期誠不淺餘論或相多
欲向滄洲去還能小艇麼鷓鴣西照處相並曬漁蓑
其八

鑿開混沌窺窺見伏羲心有物先天地含生盡陸沉
伐山成大厦鼓橐鑄祥金三尺無絃木期君發至音
其九

少年基一簣長歲足三餘忍作飛黃去頓超同隊魚
尊前八采句窓下十年書定作牛腰束傳抄聽小胥
其十

沙上步微暖思君剩欲招萋蒿穿雪動楊柳索春鏡
枉駕時逢出新詩若見撩樽前遠湖樹來飲莫辭遙
陳榮緒惠示之字韻詩推獎過實非所敢當

輒次高韻二首

紛紛不可耐君子有憂之鞅掌誠莊語賢勞似怨詩

山谷正集 卷之六
頽波閱砥柱濁水得摩尼

杜子美云唯有摩尼珠可照濁水源知我無

其二

太丘胷量闊一蒂莫杭之萬事不掛眼四愁猶有詩
狀閑聊闢茸心潔似毗尼僧律也早晚同舟去烟波學
子皮

德孺五丈和之字詩韻難而愈工輒復和成
可發一笑

且然聊爾耳得也自知之獨笑真成夢狂歌或似詩
照灘禽郭索燒野得伊尼鹿名出佛書早晚來同醉僧床
卧虎皮

次韻德孺五丈感興二首

於此吾忘我從誰尺直尋事來千萬種人有兩三心
自守藩籬小猶能井臼任過時雖不采吾與菊花斟

其二

眼前嘗廢忘事往更追尋愛酒陶元亮著書王仲任
寒蒲雖有節枯木已無心客至還須飲逢歡起自斟
次韻廖明略陪吳明府白雲宴集

江淨明花竹山空響管絃風生學士塵雲繞令君筵
百越餘生聚三吳遠接連庖霜刀落鱸執玉酒明船
葉縣飛來鳥壺公謫處天酌多時暴譴舞短更成妍
唯我孤登覽觀詩未究宣空餘五字賞文似兩京然

鑿是肱三折官當歲九遷老夫看鏡罷衰白敢爭先
文一作大

贈惠洪

數面欣羊脾論詩喜雉膏眼橫湘水暮雲獻楚天高
墮我玉塵尾乞君宮錦袍月清放舟舫萬里渺雲濤

重刻黃文節山谷先生文集卷第六

重刻黃文節山谷先生文集卷第七

正集

宋太史分寧黃庭堅魯直著

明後學莆中方 沈子及校

七言律

里人周希令子儀編

送劉季辰從軍鴈門二首

劉郎才力耐百戰蒼鷹下鞞秋未晚千里荷戈防犬
羊十年讀書厭藜莧試尋北產汗血駒莫殺南飛寄
書鴈人生有祿親白頭可令一日無甘饌

其二

石碓谷中王子瘦金剛窟前藥草肥仙家耕耘成白
壁道人煑掘起風跡絳囊璀璨思盈斗竹畚香甘要

山谷正集 卷之十一
百園到官莫道無來使日日北風鴻鴈歸

再次韻兼簡履中南王三首

李侯詩律嚴且清諸生賡載筆縱橫句中稍覺道戰
勝胷次不使俗塵生山繞樓臺鍾鼓晚江觸石磯碨
杵鳴鎖江主人能致酒願渠久住莫終更

其二

江津道人心源清不繫虛舟盡日橫道機禪觀轉萬
物文彩風流被諸生與世浮沈惟酒可隨時憂樂以
詩鳴江頭一醉豈易得事如浮雲多變更變更一作喜

其三

鎖江亭上一樽酒山自白雲江自橫李侯短褐有長

處不與俗物同條生經術貂蟬續狗尾文章瓦釜作
雷鳴古來寒士但守節夜夜抱關聽五更

廖致平送綠荔支為戎州第一王公權荔支

綠酒亦為戎州第一

王公權家荔支綠廖致平家綠荔支試傾一椀重碧
色快剥千顆輕紅肌撥醅蒲萄未足數堆盤馬乳不
同時誰能同此勝絕味唯有老杜東樓詩杜子美宴戎州東樓

詩云重碧酌春酒輕紅劈荔支

贈惠洪

吾年六十子方半槁項頂螺忘歲年韻勝不減秦少
覲氣爽絕類徐師川不肯低頭拾卿相又能落筆生

雲煙脫却衲衫一作衣著蓑笠來佐涪翁刺釣船

題胡逸老致虛庵

藏書萬卷可教子遺金滿籬常作灾能與貧人共年
穀必有明月生蚌胎山隨宴坐畫圖出水作夜窓風
雨來觀山觀水皆得妙更將何物污靈臺一作莫將
世事侵兩

鬢小庵觀
靜鏤靈臺

崇寧二年正月己丑夢東坡先生於寒溪西

山之間予誦寄元明觴字韻詩數篇東坡
笑曰公詩更進於曩時因和予一篇語意
清竒予擊節賞歎東坡亦自喜於九曲嶺
道中連誦數過遂得之

天教兄弟各異方不使新年對舉觴作雲作雨手翻
覆得馬失馬心清涼何處胡椒八百斛誰家金釵十
二行一立一壑可曳尾三沐三鬻取剗腸

王聖美三子補中廣文生子韶

王家人物從來遠今見諸孫揔好賢三級定知魚尾
進一鳴已作鴈行連愧無藻鑑能推轂願卷囊書當
贈錢歸去雄誇向兒姪舍中犢子賸狂顛

次韻柳通叟寄王文通

故人昔有凌雲賦何意陸沉黃綬間頭白眼花行作
吏兒婚女嫁望還山心猶未死杯中物春不能朱鏡
裏顏寄語諸公肯湔袂割雞令得近鄉閔

山谷正集 卷之十 三
次韻王定國楊州見寄

清洛思君晝夜流
北歸何日片帆收
未生白髮猶堪
酒
垂上青雲却佐州
飛雪堆盤鱸魚腹
明珠論斗煮
雞頭平生行樂自
不惡豈有竹西歌
吹愁

寄黃幾復

我居北海君南海
寄鴈傳書謝不能
桃李春風一杯
酒
江湖夜雨十年燈
持家但有四立壁
治病不斬三
折肱想得讀書頭
已白隔溪猿哭瘴
溪藤

次韻幾復和答所寄

海南海北夢不到
會合乃非人力能
地褊未堪長袖
舞
夜寒空對短檠燈
相看鬢髮時窺鏡
曾共詩書更

曲肱作箇生涯終
未是故山松長到天
藤

同子瞻韻和趙伯充團練

金玉堂中寂寞人
仙班時得共朝真
兩宮無事安磐
石
萬國歸心有老臣
家釀可供開口笑
侍兒工作捧
心
顰醉鄉乃是安身處
付與升平作幸民

送顧子敦赴河南三首

頭白書林二十年
印章今領晉山川
紫參可掘宜包
貢
青鐵無多莫鑄錢
勸課農桑誠有道
折衝樽俎不
臨邊
要知使者功多少
看取春郊處處田

其二

家在江東不繫懷
愛民憂國有從來
月斜汾沁催驛

山谷正集 卷之十
馬雪暗岢嵐傳酒杯塞上金湯唯粟粒胷中水鏡是
人才遙知更解青牛句一寸功名心已灰

其三

攬轡都城風露秋行臺無妾護衣篝虎頭墨妙能頻
寄馬乳葡萄不待求上黨地寒應強飲兩河民病要
分憂猶聞昔在軍興日一馬人間費十牛

寄上叔父夷仲三首

少年有功翰墨林中歲作吏幾陸沉庖丁解牛妙世
故監市履絺知民心萬里書來兒女瘦十月山行冰
雪深夢魂和月繞秦隴漢節落毛何處尋

其二

艱難聞道有歸音部曲霜行壁月沉王春正月調玉
燭使星萬里朝天心頗令山海藏國用乃見縣官恤
民深經心隴蜀封疆守必有人材備訪尋

其三

關寒塞雪欲嗣音燕鴈拂天河鯉沉百書不如一見
面幾日歸來兩慰心弓刀陌上望行色兒女燈前語
夜深更懷父子東歸得手種江頭柳十尋

詠雪奉呈廣平公

盈祖

連空春雪明如洗忽憶江清水見沙夜聽踈踈還密
密曉看整整復斜斜風回共作婆娑舞天乃乃一能
開頃刻花政使盡情寒至骨不妨桃李用年華

次韻宋楙宗僦居甘泉坊雪後書懷

漢家太史宋公孫漫逐班行謁帝閣燕頤封侯空有
相蛾眉傾國自難昏家移四壁書侵坐馬瘦三山葉
擁門安得風帆隨雪水江南石上對窪尊

馬瘦一作馬尊

次韻宋楙宗三月十四日到西池都人盛觀

翰林公出遨

金絨繫馬曉鶯邊不比春江上水船人語車聲喧法
曲花光樓影倒晴天人間化鶴三千歲海上看羊十
九年還作遨頭驚俗眼風流文物屬蘇仙

次韻奉酬劉景文河上見寄

省中岑寂坐雲窻忽有歸鴻拂建章環重多情惟石

友琢磨佳句問潛郎遙憐部曲風沙裏不廢平生翰
墨場想見我詩煑春茗何人懷抱去關防

和荅元明黔南贈別

萬里相看忘逆旅三聲清淚落離觴朝雲往日攀天
夢夜雨何時對榻涼急雪脊令相並影驚風鴻鴈不
成行歸舟天際常回首從此頻書慰斷腸

贈黔南賈使君

綠髮將軍領百蠻橫戈得句一開顏少年圯下傳書
客老去崆峒問道山春入鶯花空自笑秋成梨棗為
誰攀何時定作風光主待得征西鼓吹還

次韻荅清江主簿趙彥成

知命

山谷正集 卷之十
日轉溪山幾百遭，
厭聞虎嘯與猿號。
笙歌忽把二天酒，
風雨猶驚三峽濤。
已作齊民尋要術，
安能痛飲讀離騷。
看君自是青田質，
清咲當聞徹九臯。

次韻黃斌老晚游池亭二首

路入東園無俗駕，
忽逢佳士喜同遊。
綠荷菡萏稍覺晚，
黃菊拒霜殊未秋。
客位正須懸榻下，
主人自愛小塘幽。
老夫多病蠻江上，
頗憶平生馬少游。
客位一作客至

其二

岑寂東園可散愁，
膠膠擾擾夢神遊。
萬竿苦竹旌旗卷，
一部鳴蛙鼓吹休。
雨後月前天欲冷，
身閑心遠地常幽。
杜門謝客恐生謗，
且作人間鷓鴣游。

次韻楊君全送酒長句

扶衰却老世無方，
唯有君家酒未嘗。
秋入園林花老眼，
茗搜文字響枯腸。
醉頭夜雨排簷滴，
盃面春風繞鼻香。
不待澄清遣分送，
定知佳客對空觴。

次韻馬荊州

六年絕域夢刀頭，
判得南還萬事休。
誰謂石渠劉校尉，
來依絳帳馬荊州。
霜髭雪鬢共看鏡，
茱糝菊英同送秋。
它日江梅臘前破，
還從天際望歸舟。

贈李輔聖

交蓋相逢水急流，
八年今復會荊州。
已回青眼追鴻翼，
肯使黃塵沒馬頭。
舊管新收幾粧鏡，
流行坎止一

山行正集 卷之七
虛舟相看絕嘆女博士筆研管絃成古丘

女博士謂輔聖後房

孔居也於文藝無不妙絕

和高仲本喜相見

雨昏南浦曾相對雪滿荊州喜再逢有子才如不羈馬知公心是後彫松閑尋書冊應多味老傍人門似更慵何日晴軒觀筆硯一尊相屬要從容

自巴陵略平江臨湘入通城無日不雨至黃

龍奉謁清禪師繼而晚晴邂逅禪客戴道

純款語作長句呈道純

山行十日雨露衣幕阜峯前對落暉野水自添田水滿晴鳩却喚雨鳩歸靈源大士人天眼雙塔老師諸

佛機白髮蒼顏重到此問君還是昔人非

新喻道中寄元明用觴字韻

中年畏病不舉酒孤負東來數百觴喚客煎茶山店遠看人秧稻午風涼但知家裏俱無恙不用書來細作行一百八盤携手上至今猶夢遶羊腸

湖口人李正臣蓄異石九峯東坡先生名曰

壺中九華并為作詩後八年自海外歸過

湖口石已為好事者所取乃和前篇以為

笑竇建中靖國元年四月十六日明年當

崇寧之元五月二十日庭堅繫舟湖口李

正臣持此詩來石既不可復見東坡亦下

山谷正集 卷之十 世矣感歎不足因次前韻

有人夜半持山去頓覺浮嵐暝翠空試問安排華屋處何如零落亂雲中能迴趙壁人安在已入南柯夢不通賴有霜鍾難席卷袖椎來聽響玲瓏

追和東坡題李亮功歸來圖

今人常恨古人少今得見之誰謂無欲學淵明歸作賦先煩摩詰畫成圖小池已築魚千里隙地仍栽芋百區朝市山林俱有累不居京洛不江湖

次韻雨絲雲鶴二首

煙雲杳靄合中稀霧雨空濛密更微園客繭絲抽萬緒蛛螫網面罩群飛風光錯綜天經緯草木文章

杼機願染朝霞成五色為君王補坐朝衣

其二

幾片雲如薛公鶴精神態度不魯齊安知隴鳥樊籠密便覺南鵬羽翼低風散又成千里去夜寒應上九天栖坐來改變如蒼狗試欲揮毫意自迷

罷姑熟寄元明用觴字韻

追隨富貴榮牽尾準擬田園略濫觴本與江鷗成保社聊隨海燕度炎涼未栽姑熟桃李徑却入江西鴻鴈行別後常同千里月書來莫寄九回腸榮一作牢

次韻文安國紀夢

道人偶許俗人知法喜非妻解養兒夜叉金莖添沆

山谷正集 卷之七 九
灑室虛壁月映琉璃遠來醉俠忽去近出詩仙句句
奇獨怪區區踐繩墨相逢未省角巾歌

次韻德孺五丈惠貺秋字之句

少日才華接貴游老來忠義氣橫秋未應白髮如霜
草不見丹砂似箭頭顧我今成喪家狗期君早作濟
川舟漢家宗社英靈在定是寒儒浪自愁

宜陽別元明用觴字韻

霜湏八十期同老酌我仙人九醞觴明月灣頭松老
大永思堂下草荒涼千秋風雨鷲求友萬里雲天鴈
斷行別夜不眠聽鼠齧非閑春茗攪枯腸

重刻黃文節山谷先生文集卷第七

重刻黃文節山谷先生文集卷第八

正集

宋太史分寧黃庭堅魯直著

明後學甫中方 沆子及校

五言絕句

里人周希令子儀編

頤軒詩六首

高君素作頤軒請予賦詩予為說其義曰在易之
頤觀頤自求口實其傳曰觀頤觀其所養也自求
口實觀其自養也單豹巖棲谷飲有孺子之色而
虎攻其外張毅擊蹠曲拳養人間之譽而疾攻其
內養虎者不以全物與之牧羊者去其敗羣視其
後者而鞭之養鷹者飢之是謂觀其所養之性也

庖丁不以肯綮嬰其解牛之力痴僕丈人不以萬物易蝸之翼匹夫之志不可奪於三軍之帥是謂觀其自養觀其所養盡物之性也觀其自養盡己之性也詩云如切如磋如琢如磨求盡性而已君素樂善能賢將求學問日新之功故作頤軒以養其正吉乃以觀頤自求口實六字作詩以勸戒之金石不隨波松竹知歲寒冥此芸芸境迴向自心觀

其二

知足是靈龜無厭乃朵頤虛心萬物表寒暑自四時無外一精明六合同出自公能知本原佛亦不相似

其三

辱莫辱多欲樂莫樂無求人生強學耳萬古一東流

其四

樞機要發遲飲食減一作或味厚漁人溺於波君子溺於

口

其六

涇流不濁渭種桃無李實養心去塵緣光明生虛室賈天錫惠寶薰乞詩予以兵衛森畫戟燕寢凝清香十字作詩報之又失此藁偶於門下後省故紙中得之

險心游萬仞躁欲生五兵隱几香一炷靈臺湛空明

其二

晝食烏窺臺宴坐日過砌俗氛無因來煙霏作輿衛

其三

石蜜化螺甲棋榼煮水沉博山孤煙起對此作森森

其四

輪囷香事已郁郁著書畫誰能入吾室脫汝世俗械

其五

賈侯懷六韜家有十二戟天資喜文事如我有香癖

其六

林花飛片片香歸嚼泥燕閉閣和春風還尋蔚宗傳

其七

公虛采蘋宮行樂在小寢香光富發聞色敗不可稔

其八

牀帷夜氣馥衣桁晚煙凝瓦溝鳴急雪睡鴨照華燈

其九

雉尾映鞭聲金鑪拂太清班近聞香早歸來學得成

其十

衣篝麗紈綺有待乃芬芳當念真富貴自薰知見香

戲詠臘梅二首

金蓓鎖春寒惱人香未展雖無桃李顏風味極不淺

其二

體薰山麝臍色染薔薇露披拂不滿襟時有暗香度

山谷正集 卷之八
謫居黔南五首

摘樂天句

相望六千里天地隔江山十書九不到何用一開顏

其二

霜降水反壑風落木歸山冉冉歲華晚昆蟲皆閉關

其三

冷淡病心情暄和好時節故園音信斷遠郡親賓絕

其四

山郭燈火稀峽天星漢少年光東流水生計南枝鳥

其五

真性齊遠近委順隨南北歸去誠可憐天涯住亦得

宿黃州觀音院鍾樓上

鍾鳴山川曉露下星斗濕老夫梳白頭潘何墳麓集

勝業寺悅亭

一作阻兩福巖

苦雨已解嚴諸峯來獻狀不見白頭禪空倚紫藤杖

離福巖

山下三日晴山上三日雨不見祝融峯還沂瀟湘去

和涼軒二首

打荷看急雨吞月任行雲夜半蚊雷起西風為解紛

其二

茗椀夢中覺荷花鏡裏香涼生只當處暑退亦無方

題花光畫

湖北山無地湖南水徹天雲沙真富貴翰墨小神仙

山谷正集 卷之八
此平沙起水筆意超凡入聖法也每
率此為之當名後世

六言絕句

題山谷石牛洞

司命無心播物祖師有記傳衣白雲橫而不度高鳥
倦而猶飛

題瀟峯閣

徐老海棠巢上徐陰樂道隱於藥肆中家有海棠數
株結巢其上時與客巢飲於其間

王翁主簿峯菴王道入參禪四方歸結屋於主
簿峯上嘗有毛人至其間問道梅藥

破顏冰雪綠叢不見黃茸

次韻公擇舅

昨夢黃梁半熟立談白壁一雙驚鹿要須野草鳴鷗

本願秋江

次韻王荆公題西太一宮壁二首

風急啼鳥未了雨來戰蟻方酣真是真非安在人間

北看成南

其二

晚風池蓮香度曉日官槐影西白下長干夢到青門

紫曲塵迷

有懷半山老人再次韻二首

短世風驚雨過成功夢迷酒酣草玄不妨準易論詩

終近周南

其二

山名正集 卷之八
吸羹不如放麕樂羊終愧巴西欲問老翁歸處帝鄉
無路雲迷

有惠江南帳中香者戲贈二首

百鍊香螺沉水寶薰近出江南一穗黃雲繞几深禪
想對同叅

其二

螺甲割崑崙耳香材屑鷓鴣斑欲雨鳴鳩日永下帷
睡鴨春閑

子瞻繼和復答二首

置酒未容虛左論詩時要指南迎笑天香滿袖喜公
新起朝叅

其二

迎燕溫風旄旄潤花小雨斑斑一炷煙中得意九衢
塵裏偷閑

有聞帳中香以為焚蜴者戲用前韻二首

海上有人逐臭天生鼻孔司南但印香嚴本寂不必
叢林徧叅

其二

我讀蔚宗香傳文章不減二斑誤以甲為淺俗却知
麝要防閑

次韻韓川奉祠西太一宮四首

高靈未對甘泉五福間祀迎年旂旗三游半偃風馬

山谷正集
卷之八
雲車闖然

其二

白旄下金神節青祝携御爐香百禮盡修毫祀九歌
不取沉湘

其三

紫府侍臣鳴玉霜臺御史生風官燭論詩未了知秋
自屬梧桐

其四

泰壇下瑞雲黃雨師灑道塵香侵面猶承墜露金鉉
半吐東牆

題鄭防畫夾五首

惠崇煙雨歸鴈坐我瀟湘洞庭欲喚扁舟歸去故人
言是丹青

其二

能作山川遠勢白頭唯有郭熙欲寫李成驟雨惜無
六幅鵝溪

其三

徐生脫水雙魚吹沫相看晚圖老矣箇中得計作書
遠寄江湖

其四

折筴枯荷共晚紅榴苦竹同時睡鴨不知飄雪寒雀
四顧風枝

其五

子母猿啼檨葉山南山北危機世故誰能樗里穀中
皆是由基

題劉將軍鵝

箭羽不露春水籀文時印平沙想見山陰書罷舉羣

驅向王家

寂住閣

陳留宿一磯堂
因書為寂住閣

莊周夢為胡蝶胡蝶不知莊周當處出生隨意急流
水上不流

深明問

象蹋恒河徹底自行闊浮破真若問深明宗旨風花

時度窻櫺

次韻石七三七首

從來不似一物妄欲貫穿九流骨硬非黃閣相眼青
見白蘋洲

其二

生涯一九節筇老境五十六翁不堪上補黼黻但可
歸教兒童

其三

萬里草荒先壠六年蟲蠹群經老喜寬恩放去心似
驚波不停

其四

山谷正集 卷之八
為君試講古學此事可戕天公君看花梢朝露何如
松上霜風

其五

幽州已投斧柯崇山更用憂何早喜龔鄒冠豸
濶又聞張董工坡舞民
數逸

其六

看著莊周枯槁化為胡蝶翾輕人見穿花入柳誰知
有體無情

其七

欲行水繞山圍但聞鷓鴣化鵬飛女憂須髮盡白兄歎
江船未歸

贈高子勉四首

文章瑞世驚人學行到心潤身沅江求九肋鼈荊州
見一角麟

其二

張侯海內長句晁子廟中雅歌無咎樂府
於今第一高郎少加
筆力我知三傑同科

其三

妙在和光同塵事須鉤深入神聽它下虎口著我不
為牛後人

其四

拾遺句中有眼彭澤意在無絃顧我今六十老付公

山谷正集
卷之八
九
以二百年

再用前韻贈子勉四首

胸中有度擇人事上無心活身只麼親情魚鳥儻然
圖畫麒麟

其二

行要爭光日月詩須皆可絃歌着鞭莫落人後百年
風轉蓬科

其三

句法俊逸清新詞源廣大精神建安才六七子開元
數兩三人

其四

醉鄉閑處日月鳥語花中管絃有興勤來把酒與君
端欲忘年

荆南僉判向和鄉用予六言見惠次韻奉酬
四首

仕宦初不因人富貴方來逼身要是出群拔萃乃成
威鳳祥麟

其二

向侯賦我菁莪何敢當不類歌顧我乃山林士看君
取將相科

其三

覆却萬方無準安排一字有神更能識詩家病方是

山谷正集
卷之八
我眼中人

其四

覓句真成小技知音定須絕絃景公有馬千駟伯夷
垂名萬年

蟻蝶圖

胡蝶雙飛得意偶然畢命網羅群蟻爭收墜翼策勳
歸去南柯

謝人送粟鼠尾畫維摩二首

謝胡藏之

貂尾珍材可筆虎頭墨妙疑神頗知君塵外物真是
我眼中人

其二

丹青貌金粟影毛物宜管城公只今為君落筆他日

聽我談空

一作畫圖
見金粟佛

山谷正集
卷之八
重刻黃文節山谷先生文集卷第八

山谷正集

卷之八

十一



